

ADDENDA Nº2 PARA ADECUAR O FINANCIAMENTO DO CONVENIO DE COLABORACIÓN ENTRE O CONCELLO DE PONTEVEDRA E A DEPUTACIÓN PROVINCIAL DE PONTEVEDRA PARA LEVAR A CABO AS OBRAS DE REHABILITACIÓN INTERIOR E MELLORA DA ACCESIBILIDADE DO PAZO DO CONCELLO DE PONTEVEDRA

DOCUMENTO ASINADO ELECTRONICAMENTE POR:



Pode verificar a integridade deste documento
no enderezo: <https://sede.depo.gal>
Código seguro de verificación (CSV):MQXEFULFHMXXVGTSC

ADDENDA Nº2 PARA ADECUAR O FINANCIAMENTO DO CONVENIO DE COLABORACIÓN ENTRE O CONCELLO DE PONTEVEDRA E A DEPUTACIÓN PROVINCIAL DE PONTEVEDRA PARA LEVAR A CABO AS OBRAS DE REHABILITACIÓN INTERIOR E MELLORA DA ACCESIBILIDADE DO PAZO DO CONCELLO DE PONTEVEDRA

Na data da sinatura electrónica

INTERVEÑEN

Dunha banda, D. Luis López Diéguez, na súa condición de presidente da Deputación Provincial de Pontevedra, actuando en virtude das competencias que lle atribúe o artigo 34.1.b) da Lei 7/1985, de 2 de abril, reguladora das bases de réxime local.

E doutra parte, D. Miguel Anxo Fernández Lores, alcalde do Concello de Pontevedra, actuando en virtude das facultades que lle atribúe o artigo 124.1 e 124.4 da Lei 7/1985, de 2 de abril, reguladora das bases de réxime local.

Actúan D. José Carlos Castiñeira Piñeiro, en calidade de secretario do Concello de Pontevedra, e D. Carlos Cuadrado Romay en calidade de secretario da Deputación Provincial de Pontevedra, dando fe do acto que se celebra.

Ámbalas dúas partes actúan nas representacións expresadas e recoñécense reciprocamente capacidade bastante para o outorgamento e formalización desta addenda, con base nos principios de colaboración, cooperación, coordinación e eficacia que deben presidir as actuacións das Administracións Públicas e, de común acordo,

EXPOÑEN

I.- Que con data de 23 de decembro de 2021 asinouse o CONVENIO DE COLABORACIÓN ENTRE O CONCELLO DE PONTEVEDRA E A DEPUTACIÓN PROVINCIAL DE PONTEVEDRA PARA LEVAR A CABO AS OBRAS DE REHABILITACIÓN INTERIOR E MELLORA DA ACCESIBILIDADE DO PAZO DO CONCELLO DE PONTEVEDRA.

II.- Que con data 26 de decembro de 2023 asinouse unha Addenda para prorrogar a vixencia do devandito convenio co obxecto de ampliar o prazo de execución e finalización do investimento ata o día 31 de outubro de 2024, e o prazo para a súa xustificación ata o día 31 de decembro de 2024.



III.- Que a cláusula NOVENA do convenio prevé unha Comisión de Seguimento para o seguimento e coordinación da execución do mesmo, así como para a resolución das dúbidas que poidan producirse na súa interpretación.

IV.- A Comisión de seguimento do convenio, reunida en sesión de data 20/06/2024, acorda, por unanimidade, realizar unha reformulación das obrigas económicas vinculadas ao convenio, en base as peculiaridades derivadas da execución real do investimento, de acordo ao contido da acta da reunión (CSV:TJ1NKC2LXQZUV78W), e que implicaron a necesidade de tramitar un proxecto modificado do proxecto de obras de rehabilitación interior e mellora da accesibilidade do Pazo do Concello de Pontevedra.

V.- Por todo o anteriormente exposto, ambas as partes manifestan expresamente o seu propósito de asinar unha addenda co obxecto de proceder á adecuación financeira do “Convenio de colaboración entre o Concello de Pontevedra e a Deputación Provincial de Pontevedra para levar a cabo as obras de rehabilitación interior e mellora da accesibilidade do pazo do Concello de Pontevedra” conforme ás seguintes

CLÁUSULAS

PRIMEIRA.- Modificar a *Cláusula Segunda. Financiamento* de acordo co seguinte texto:

“As actuacións ás que se refire o presente convenio teñen un orzamento, con IVE, de UN MILLÓN SETECENTOS OITENTA MIL CENTO CINCUENTA E SETE EUROS CON CINCUENTA E DOUS CÉNTIMOS (1.780.157,52€), desagregado en 1.620.574,59€ do proxecto modificado a prezo de adxudicación e 159.582,93€ de medicións finais previstas pola dirección facultativa das obras.

O investimento previsto comprende todos os gastos que se derivan da execución das obras a realizar, excluídos os da redacción dos proxectos, que foron realizados polo Concello de Pontevedra, e autorizados, no seu caso, pola Deputación de Pontevedra mediante a súa aprobación polo órgano provincial competente.

A **Deputación de Pontevedra** financiará contra as aplicacións orzamentarias 2024/942.9420.762.14.2021, 2024/942.9420.762.14.2022 e 2024/942.9420.762.14 as seguintes cantidades das correspondentes anualidades do orzamento provincial:



2021	2022	2024	TOTAL
970.000,00€	255.239,92€	418.779,83€	1.644.019,75€

A achega provincial consiste nunha contía máxima que ascende ao importe sinalado anteriormente, no que se inclúen os posibles incrementos que puidesen producirse no orzamento de execución das obras que derivan do procedemento de contratación administrativa ou da execución do contrato, así como da súa modificación.

O **Concello de Pontevedra** financiará os restantes 136.137,77€.

No caso de que o investimento realizado teñan un custo inferior ao inicialmente previsto, e sempre que isto non supoña unha execución deficiente da totalidade do proxecto, a contía da subvención reducirase proporcionalmente, manténdose constante a porcentaxe de axuda respecto ao custo total do investimento.

No caso de que o investimento realizado teña un custo superior, eses incrementos asumiranse exclusivamente polo Concello de Pontevedra ”.

SEGUNDA.- En todo o demais, o texto do convenio asinado en data 23 de decembro de 2021 mantense invariable, e conforme á addenda de data 26 de decembro de 2023 respecto do prazo de execución e xustificación do investimento, suxeitándose as partes ao seu clausulado.

E para que así conste, en proba de conformidade, as partes que interveñen asinan a presente addenda na data da sinatura electrónica.

O alcalde-presidente do Concello de Pontevedra, Miguel Anxo Fernández Lores

O secretario do Concello de Pontevedra, José Carlos Castiñeira Piñeiro

O presidente da Deputación Provincial de Pontevedra, Luís López Diéguez

O secretario da Deputación Provincial de Pontevedra, Carlos Cuadrado Romay

